



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Floremundi Raemundi V. Cl. Olim Consiliarii Regis  
Galliarvm Ex Calviniano Catholici Synopsis Omnium hujus  
temporis Controversiarum tam inter Lutheranos,  
Calvinistas quam alios plurimos. Sive Historia ...**

**Raemond, Florimond de**

**Coloniae Agrippinae, 1655**

I. Caroli V. Imperatoris consilia & conatus.

**urn:nbn:de:hbz:466:1-10880**

QUOMODO CAROLUS V. IMPERII  
Ferdinando fratri, & suarum ditionum admi-  
nistrationem Philippo filio  
commiserit.

## CAPUT QUINTUM.

## ARGUMENTUM.

- I. Caroli V. Imperatoris consilia & conatus.
- II. Oratio qua ad proceres Belgii usus est.
- III. Philippus II. paternas ditiones regendas cepisset.
- IV. Caroli V. Imperatoris secessus.
- V. Ejus religio & devotio.
- VI. Alia insignes virtutes.

**C**um igitur ad hunc modum Italia ab Hæresi  
immunis peristeret Dei beneficio, Germa-  
nia autem veluti Colicis passionibus & torminibus  
vicerum fuorum dilaniaretur, Imperator Carolus  
V. variis fortunæ casibus exercitus, tandem rerum  
humanarum pertæsus imperio ac regnis omnibus  
abdicare se, eaque tantum quæ ad animæ salutem  
pertinent curare, post Imperium triginta sex annos  
feliciter administratum, decrevit, quamvis ab hoc  
consilio multa eum revocarent, cum primis incerta  
Germaniæ pax, quam ob non ad versam jam, sed ad  
fictam valetudinem, quibus opus erat præfidiis  
stabilire, nondum licuerat, necessaria morbis ejus  
remedia adhibere hætenus neque potuerat. Nihilominus tamen, & ut afflictæ valetudini confule-  
ret, & florentem filii juventutem potentissimi ac  
felicissimi hætenus Galliarum Regis fortunæ op-  
poneret; missis ad Electores litteris, & ad Ferdi-  
nandum fratrem Imperii insignibus, privatam post-  
hac agere vitam, & quod ejus superesset, in solius  
Dei servitio exigere constituit. Hunc in finem  
mense Septembri Anno M. DLV. Philippum filium  
ex Anglia, cujus Rex per Mariam uxorem erat,  
Bruxellas evocatum, diligenter de rebus omnibus  
quæ ad imperium pertinent, erudit, inter alia  
monens, ut cum Franciæ Rege, quo potentio-  
rem magisque formidabilem hostem non haberet, pa-  
cem faceret, aut temporibus, obsecundaret: in pri-  
mis vero, ut Ferdinandi patri sui Romanorum,  
Ungariæ ac Bohemiæ Regis, ejusque filiorum ami-  
citiæ omnibus modis conservaret. Deinde ad  
xxiii. Octobris omnium Ordinum conventum  
Bruxellas induxit, in quo quum in amplissima pala-

tii aula, frequenti Senatû, magnaque Nobilium &  
omnium Ordinum corona consedisset, hanc fere  
in sententiam loquutus fertur.

II. *Mihi varios ac dubios fortuna mea casus, ab eo  
tempore quo vix undevigesimum ætatis annum in-  
gressus, post mortem Maximiliani, Imperio admotus  
sum, reputanti, quum multa alia Dei in me beneficia  
occurrunt, tum illud præcipue, quod è tot hominum  
millibus unum me ad summum hunc dignitatis gra-  
dum velut sua ipse manu perduxerit, & ab hostium in-  
fidis semper huc usque clementer custodierit, ipsis et-  
iam meis inimicis in casses quos mihi struxerant, conje-  
ctis. Deo ergo immortalis ago gratias quantas animi  
mei angustia capere potest maximas, quod post tot labo-  
res exhaustos, tot pericula tam mari quam terra su-  
perata, hanc mihi gratiam fecit, ut tantum ejus bene-  
ficiam, quo me ad hunc usque diem incolumen conser-  
vavit, mihi hoc ipso loco vobis præsentibus, agnoscere  
& predicare liceat. Ex altera parte non possum non  
deplorare eorum infelicitatem, quibus magna imperia  
commissa sunt, ob infinitos labores & pericula qua  
comitari eos solent: illud verissime asseverans, postquam  
à morte domini ac patris mei, deinde aut materni,  
tot tantisque regnis ac ditionibus administrandis præ-  
fectus sum, non diem, non ullum fere temporis momen-  
tum ocio aut privatis voluptatibus me dedisse, quod  
non multis molestius fuerit permittum. Hujus rei  
testes sunt corpus hoc laboribus fractum, & caput  
hoc jam olim ante tempus canescens. Sunt inter vos  
multi qui horum meorum laborum aut participes  
fuerunt, aut certe conscii sunt: testes mearum actionum  
fideles. Norunt illi utrum ego causa sim earum cala-  
mitatum, qua jam triginta & amplius annis Chri-  
stianam Rempublicam afflixerunt. Dicant ipsi, quo-  
ties pacem ex animo me optasse audierint, adeo ut jure  
meo non semel cedere voluerim, quo nostra arma con-  
tra immanem Christiani nominis hostem conjunge-  
rentur. Quin ut viam aliis monstrarem, & exemplo  
præirem, bis, ut ipsi nostis, non sine magnis periculis ipse  
barbaro hosti caput hoc meum objeci, exercitumque  
opposui, ceteris vero temporibus laboranti Hungariæ  
auxiliu contra Solimanum summissi. Quod si omnia ad  
votum non successerunt, Dei voluntatem agnoscamus,  
omnis manu sua tenentis, qui ob peccata mea permitte-  
re noluit, ut tot tantisque victoriis, quas mihi clemen-  
ter largiri dignatus est, his adjunctis, insolescerem.  
Quamvis autem ceteris Principibus ad inferenda infi-  
delibus arma viam aperuerim; tantum tamen abest ut  
illi me sequuti sint, ut etiam eorundem auxilia contra  
nos evocarint. Idem ditiones meas in vaserunt ac va-  
fiarunt.*

D

fiarunt.